



südostschweiz

LA QUOTIDIANA

FMR Fundaziun Medias Rumantschas, Via da Masans 2, 7000 Cuirra, 081 544 89 10, redacziun@fmr.ch

■ ENGIADINA

Cul permiss da la regenza svizra

(fmr/fa) Da l'on 1800 d'eira il capricorn plü o main desdrüt in tuot las Alps. Avant bundant ün tschientiner han lura manà froduladers ils prüms capricorns inavo in Svizra. Precs avant 100 ons sun ils prüms capricorns gnüts reintrodüts i'l Parc Naziunal Svizzer (PNS). In marcurdi saira ha il perit, il veterinari Marco Giacometti da Stampa, referi a Zernez davart quista reintroducziun da la

bes-cha majestusa cullas cornas imposantas. Sia dissertaziun vaiva'l scrit davart il re-tuorn dals capricorns. Quels toccaivan al rai da l'Italia. «Ils froduladers tils han manats sur cunfin, cul permiss da la regenza svizra», ha dit Giacometti. Hoz as dombra i'l PNS var 300 ed in tuot la Svizra var 18 000 capricorns.

> PAGINA 11

■ SURSELVA



Il tgaun, il fideivel cumpogn era duront las vacanzas.

FOTO SOMEDIA

Sche Fiffi fa bogn el begl

(fmr/ac) Bia turists cun dabia tgauns. Il cumpogn sin quater combas sin trutgs e sendas sursilvanas procura strusch per fastedis. Diversas destinaziuns da vacanzas carmalan specific la possessura ed il possessur da tgauns per prender dimora. Per gronds fastedis procura il tgaun strusch sin sendas e trutgs en Surselva. Als possessurs vegn attestau en general in bien cumporment e da prender il tgaun vid la corda leu nua ch'ei fa da

basegns. Per dapli malaveglia procuran magari ils excrements ni sch'il possessur nezegia in begl da buentar la biestga per porscher in refrestg a siu tgaun. Il motiv dalla malaveglia ei in parasit che po far il segl dil tgaun tiel biestg e procurar per in abort tier vaccas e genetschas. Il parasit «Neospora cananum» ha gia procurau per in'instanza parlamentara avon dus onns.

> PAGINA 3

■ GRISCHUN CENTRAL

Tranter fantasia e mitologia

(fmr) En l'istortgia locala da Surmeir è la mitologia detg ritga. I dat dentant apparentain er nums geografics che fan allusiun a personalitads. Uschia èn las aclas da Savognin che sa chattan sut il Piz Mitgel vegnidas enconuschentas damai che l'artist Giovanni Segantini lavurava là durant la stad en ina chasetta. Observond da qua anora

la structura dals culms pon ins eruir – cun blera fantasia – ina sculptura surdimensionada da papa Leo XIII en bara. Quai cunzunt pervi da da ses frunt, ses nas, ses grugn marcant e ses mauns serrads en posiziun d'uraziun. Guardai sezs cun chaschun d'ina visita en il lieu.

> PAGINA 7

«Fatg tut sco discussiunau»

La via da meglieraziun denter Disla e Madernal a Mustér dat da discussiunar

DA HANS HUONDER/FMR

■ «Nus savessen buca tgei che nus havessen fatg falliu.» Quei di il president dil project dalla meglieraziun dalla vischnaunca da Mustér, Walter Deplazes, silla critica pertuccont la via historica denter Disla e Madernal. Ensemen cull'uniun Protecziun dalla patria e digl ambient criticheschän Kōbi Ganzenbein, Giusep Naye e Leo Tuor igl agir dalla meglieraziun concernent la via historica denter Disla e Madernal a Mustér. La meglieraziun seigi lundervi da destruir las davosas perdetgas historicas dil temps medieval.

Pil president dalla meglieraziun, Walter Deplazes, constat quei buc: «Nus havein fatg nuot falliu. Naven dall'entschatta ein tuts uffecis stai involvi el project.» In aschi grond project sco quel dalla meglieraziun da Mustér seigi cumbinaus cun biars puncts neuralgics: «La meglieraziun dalla via denter Disla e Madernal ei aschia in cass. Gia en connex cul project general – pia avon ch'ils detagls seigen fixai –



Ina part dalla via veglia denter Disla e Madernal survescha egl avegnir era sco via da meglieraziun. FOTO HANS HUONDER

han ils uffecis cantunals e federals giu la caschun da s'exprimer.» Las vacanzas da stad dallas interpresas da baghegiar veglien ins tonaton

nezegiar ussa per aunc ina ga discussiunar culs uffecis pertuccai enqual caussa per che tuts plaidien la finfinala il medem lun-

gatz. Nus dein in plaid ad omisdus partidas.

> PAGINA 3

«In pign virus ha fatg ord igl entir mund tipics Lumnezians.» Erwin Caduff – pagina 20

Camps da stad cun gronda calamita



FOTO ANDREAS WIELAND / RTR

(fmr/hh) Era uonn ha MS Sports organisau ella Foppa dus camps. Omisdus – in da balapei ed in da sault – han giu liug quest'jamna a Schluein e Glion. Tut en tut ein rodund 180 affons dall'entira regiun separticipai a quels.

Pagina 5



50032

9 771424 749004

Servetsch d'abunents e da distribuziun: tel. 0844 226 226 mail: abo@somedia.ch